

প্রকৌশল বিভাগসমূহ এবং ইউ.আর.পি. বিভাগে ভর্তির জন্য যোগ্য
অপেক্ষমান তালিকাভুক্ত প্রার্থীদের জন্য প্রযোজ্য


ভর্তি পরীক্ষায় প্রার্থীর মেধামান	প্রথম উপস্থিতি (সনদপত্র মূল্যায়ন, বিভাগ নির্বাচনের অপশন প্রদান ও স্বাস্থ্য পরীক্ষা) সকাল ৯:৩০	দ্বিতীয় উপস্থিতি (ভর্তির কাগজপত্র সংগ্রহ) বিকাল ২:৩০-৫:০০	ভর্তির সর্বশেষ তারিখ
৮২৯ - ৯৫০	২৬/০১/০৯, সোমবার	প্রয়োজন অনুযায়ী পরবর্তীতে জানানো হবে	
৯৫১ - ১০৫০	২৭/০১/০৯, মঙ্গলবার	প্রয়োজন অনুযায়ী পরবর্তীতে জানানো হবে	
১০৫১ - ১৪৯৬ এবং উপজাতীয় প্রার্থী	প্রয়োজন অনুযায়ী পরবর্তীতে জানানো হবে	প্রয়োজন অনুযায়ী পরবর্তীতে জানানো হবে	

(বিশেষ প্রয়োজনে কর্তৃপক্ষ উপরোল্লিখিত সময়সূচী পরিবর্তন করতে পারেন)


ভর্তি পরীক্ষার ফলাফল এবং অন্যান্য তথ্যাদি www.buet.ac.bd ওয়েবসাইটেও পাওয়া যাবে। ওয়েবসাইটের ফলাফলকে Provisional বলে গণ্য করতে হবে এবং নোটিশবোর্ডের ফলাফলকে চূড়ান্ত গণ্য করতে হবে।

ভর্তি সংক্রান্ত পরবর্তী সকল বিজ্ঞপ্তি ভর্তি কমিটি সমূহের সভাপতির দফতরের নোটিশ বোর্ডে ও www.buet.ac.bd ওয়েবসাইটে প্রচার করা হবে। নোটিশ বোর্ডে প্রদত্ত বিজ্ঞপ্তির ভাষ্য চূড়ান্ত বলে গণ্য হবে।

বিঃ দ্রঃ ২০০৮-২০০৯ শিক্ষাবর্ষে ভর্তি পরীক্ষা সমূহের সভাপতির পূর্ব অনুমতি না নিয়ে প্রথম উপস্থিতির দিন অনুপস্থিত প্রার্থীর ভর্তির যোগ্যতা বাতিল বলে গণ্য হবে।


প্রফেসর ডঃ মোঃ আবদুর রশিদ সরকার
ডীন, যন্ত্রকৌশল অনুষদ ও
সভাপতি, ২০০৮-২০০৯ শিক্ষাবর্ষে ভর্তি কমিটি সমূহ
বাংলাদেশ প্রকৌশল বিশ্ববিদ্যালয়, ঢাকা

স্বাস্থ্য পরীক্ষার জন্য টা: ৪০০/= (চারশত টাকা) মাত্র স্বাস্থ্য পরীক্ষার দিন জমা দিতে হবে।



বাংলাদেশ প্রকৌশল বিশ্ববিদ্যালয়, ঢাকা

২০০৮-২০০৯ শিক্ষাবর্ষে ভর্তি কমিটি সমূহের চেয়ারম্যানের কার্যালয়

ডীন অফিস, যন্ত্রকৌশল অনুষদ, ই.এম.ই. ভবন দ্বিতীয় তলা

ভর্তির জন্য যোগ্য প্রার্থীদের প্রাথমিক ও অপেক্ষমান তালিকাভুক্তদের জরুরী জ্ঞাতব্য

প্রথম উপস্থিতিঃ বিভাগ অপশন প্রদান ও স্বাস্থ্য পরীক্ষা

- ক) ভর্তির জন্য যোগ্য প্রার্থীদের (প্রাথমিক ও অপেক্ষমান তালিকাভুক্ত) নোটিশে উল্লেখিত তারিখে সকাল ৯:৩০ মিঃ ই.এম.ই. ভবনের দ্বিতীয় তলায় অবস্থিত ডীন, যন্ত্রকৌশল অনুষদ অফিস কক্ষে সংশ্লিষ্ট বোর্ডের মূল মার্কস/গ্রেডশীট ও সনদপত্রের সত্যতা যাচাইয়ের জন্য উপস্থিত হতে হবে। এই দিন সকল সনদপত্রের [মার্কস/গ্রেড শীট, ট্রান্সক্রিপ্ট সার্টিফিকেট, উপজাতীয়তার প্রমাণপত্র (প্রযোজ্য ক্ষেত্রে), স্কুল/কলেজের প্রধান কর্তৃক প্রদত্ত টেস্টিমোনিয়াল ইত্যাদি] মূলকপি সংগে আনতে হবে। উল্লেখ্য, বিভাগ অপশন প্রদানকৃত ছাত্র/ছাত্রীদের মূল মার্কস/গ্রেডশীট ও সনদপত্র/টেক্সটমনিয়াল সমূহ ভর্তি কমিটির চেয়ারম্যান-এর অফিসে জমা রাখা হবে।
- খ) সংরক্ষিত আসনের জন্য ভর্তিযোগ্য উপজাতীয় প্রার্থীদেরকে তাদের উপজাতীয়তার প্রমাণস্বরূপ নিম্নোক্ত প্রমাণাদি দাখিল করতে হবে :
- যে কলেজ থেকে পাশ করেছে সেই কলেজের অধ্যক্ষের সার্টিফিকেট।
 - স্থানীয় পৌরসভা/জেলা পরিষদ/ইউনিয়ন পরিষদ এর চেয়ারম্যানের সার্টিফিকেট।
 - উপজাতীয় গোত্রের মোড়ল (চীফ) কর্তৃক প্রদত্ত সার্টিফিকেট যা স্থানীয় থানা নির্বাহী অফিসার/জেলা প্রশাসক কর্তৃক সত্যায়িত হতে হবে।
- গ) দলিল পত্রের সত্যতা যাচাই-এর পর নিজ নিজ আবেদনপত্রে বিভাগের অপশন প্রদান করে স্বাক্ষর করতে হবে। **প্রদত্ত অপশন কোন অবস্থাতেই পরিবর্তন করা যাবে না।**
- ঘ) বিভাগ অপশন প্রদানের পর ভর্তির জন্য যোগ্য প্রার্থীদের স্বাস্থ্য পরীক্ষা করা হবে।

২০০৮-২০০৯ শিক্ষাবর্ষে ভর্তি পরীক্ষা সমূহের সভাপতির পূর্ব অনুমতি না নিয়ে প্রথম উপস্থিতির দিন অনুপস্থিত প্রার্থীর ভর্তির যোগ্যতা বাতিল বলে গণ্য হবে।

স্বাস্থ্য পরীক্ষা


প্রকৌশল বিশ্ববিদ্যালয়ের মেডিক্যাল অফিসারগণ ভর্তির জন্য যোগ্য প্রার্থীর স্বাস্থ্য পরীক্ষা করবেন। পরীক্ষায় যদি কারও হৃদরোগ, দৃষ্টি কিংবা শ্রবণ শক্তির ত্রুটি, অন্যান্য সংক্রামক রোগ অথবা কোন প্রকারের শারীরিক বা মানসিক অক্ষমতা ধরা পড়ে যার ফলে প্রকৌশল বিশ্ববিদ্যালয়ে এবং পেশায় সাধারণ কার্যনির্বাহে প্রার্থীর পক্ষে অসুবিধা হতে পারে বলে বিশ্ববিদ্যালয়ের চীফ মেডিক্যাল অফিসার মনে করেন তাহলে তাকে ভর্তির অনুপযুক্ত বলে ধরা হবে। তবে দৃষ্টি শক্তির ত্রুটি ৭ দিনের মধ্যে পুনঃ পরীক্ষা করা যেতে পারে। অন্যান্য অস্থায়ী অনুপযুক্ততা যথা, হাইড্রোসিস, হারনিয়া ইত্যাদি এক মাসের মধ্যে পুনঃ পরীক্ষার জন্য বিবেচিত হতে পারে। এই ধরনের অসুস্থতা পুনঃপরীক্ষার প্রয়োজন হলে প্রার্থীর নিজস্ব খরচে বাইরের মতামতের জন্য বিশ্ববিদ্যালয়ের চীফ মেডিক্যাল অফিসার সুপারিশ করতে পারেন। তবে এই সুপারিশ ২০০৮-২০০৯ শিক্ষাবর্ষে/সেশনে ভর্তি কমিটি সমূহের সভাপতি কর্তৃক অনুমোদিত হতে হবে।

দ্বিতীয় উপস্থিতিঃ স্বাস্থ্য পরীক্ষার ফলাফল এবং বিশ্ববিদ্যালয়ে ভর্তি

- ক) স্বাস্থ্য পরীক্ষার পর দ্বিতীয় উপস্থিতির তারিখে বিকাল ২:৩০ মিনিটে ই.এম.ই. ভবনের ২য় তলায় অবস্থিত যন্ত্রকৌশল অনুষদ ডীন অফিসে আসতে হবে। ভর্তি কমিটির সভাপতি স্বাস্থ্য পরীক্ষায় উত্তীর্ণ প্রার্থীদের ভর্তি অনুমোদন করে ভর্তি ফরমে স্বাক্ষর করবেন।
- খ) এ সময়ে চূড়ান্তভাবে নির্বাচিত প্রার্থীদের বিশ্ববিদ্যালয়ে ভর্তির জন্য প্রয়োজনীয় কাগজপত্র বিতরণ করা হবে।
- গ) বিনা অনুমতিতে নির্ধারিত তারিখের মধ্যে ভর্তি না হলে ভর্তির যোগ্যতা বাতিল বলে গণ্য হবে।
- ঘ) প্রকৌশল অনুষদ সমূহের বিভাগসমূহ ও ইউ.আর.পি. বিভাগে ভর্তির জন্য টা: ৭,১৫০/- এবং স্থাপত্য বিভাগে ভর্তির জন্য টা: ৭,২০০/- ফি নির্ধারিত ফরমে সোনালী ব্যাংক বুয়েট শাখায় বিশ্ববিদ্যালয় তহবিলে জমা দিতে হবে। টাকা জমা দেয়ার পর ব্যাংক এর প্রাপ্তি ফরমের অংশ ফটোকপি করে টাকা জমা দেয়ার তারিখে রেজিস্ট্রার অফিসের ভর্তি শাখায় অবশ্যই জমা দিতে হবে।

বিশেষ দ্রষ্টব্য :

- কোন ছাত্র/ছাত্রী ক্লাশ শুরু হওয়ার ১ (এক) সপ্তাহের মধ্যে কোর্স রেজিস্ট্রেশন সম্পন্ন না করলে এবং বিনা অনুমতিতে ২ (দুই) সপ্তাহের মধ্যে ক্লাশে উপস্থিত না হলে তার ভর্তি বাতিল করা হবে।
- হলে ভর্তির জন্য প্রদেয় ফি এর পরিমাণ এবং হলে ভর্তির সময়সূচী ছাত্রকল্যাণ পরিচালকের দপ্তরে (বিশ্ববিদ্যালয় মাঠের দক্ষিণ-পশ্চিম প্রান্তে) থেকে যথাসময়ে জেনে নিতে হবে।



প্রফেসর ডঃ মোঃ আবদুর রশিদ সরকার

ডীন, যন্ত্রকৌশল অনুষদ ও

সভাপতি, ২০০৮-২০০৯ শিক্ষাবর্ষে ভর্তি কমিটি সমূহ

বাংলাদেশ প্রকৌশল বিশ্ববিদ্যালয়, ঢাকা